

Sehlopha sa Bahlanka



Sabatha Mantsiboea

Bakeng sa Thuto ea Beke ena Bala:

2 Ba-Kor.. 2:14–16, Exod. 32:1–14, 1 Pet. 2:12, Phil. 2:15, Eph. 2:19, Heb. 10:23–25.

Temana ea Khopolo:

“A re tiiseng kano ea tumelo ea rōna, re se na ho sisinyeha; hobane ea re tšepisitseng oa tšepaha. A re lebelaneng, re tle re isane ka cheseho leratong le mesebetsing e metle” (Ba-Heberu 10:23, 24).

HIo batleng ho phetha thomo ea Bokreste, ha re ea lokela ho nka hanyane bokhoni ba kereke e le sehlopha se hlophisitsoeng sa balumeli. Re se re bone liqholotso tseo re ka tobanang le bona ha re batla ho sebetsana le ho hloka toka le bofutsana. Empa ka ho sebetsana le balumeli ba bang sahlapheng sa balumeli ba tumelo e le 'ngoe, re ka ba tlhohonolofatso ho ba re potileng. Teko ke hore ha re ba 'moho re le kereke re hako ke ho boloka kereke e phetse kapa e ntse tsoela pele, re lebala hore kereke e teng ho sebeletsa lefatše leo Molimo a e beileng ho lona, ha rea lokela ho iphapanyetsa ho utloa bohloko le bobo bo teng hohle ho re potileng. Haeba Krete ha a ka a iphapanyetsa bona, le rōna ha rea lokela. Re lokela ho tšepahalla thomo ea rōna ea ho ruta Evengeli, 'me 'moho le ho ruta hoo ho tla mosebetsi oa ho thusa ba hateletsoeng, ba lapileng, ba hlobotseng, le ba hlohang thuso.

'Moho re le sehlopha se hlophisitsoeng sa kereke, re 'mele oa Krete (sheba 1 Ba-Kor.. 12:12–20). Ha ho le joalo, re le sehlopha re lokela ho tsamaea joalo ka ha Jesu a tsamaile, ho tsoa joalo ka ha Jesu a entse, le ho sebeletsa re le matsoho, le maoto, le lentsoe, le pelo ea Jesu lefatšeng kajeno.

**Ithute thuto ea beke ena ho lokisetsa Sabatha sa la, Loetse 28.*

Baemeli ba Phetoho

Re bone likhaolong tse qalang tsa buka ea Liketso ka moo balumeli ba Bakreste ba pele ba ileng ba theha sehlopha se fapaneng, se hlokomelang ba hlohang mahareng a bona, 'me 'moho ba tsoela ho ba kante ho sehlopha sa bona, ho ba fa thuso moo ho hlokehang le ho ba memela ho kopana le seo Molimo a neng a se etsa mahareng a bona. Ho ekeletsa tlhaloso ea Jesu ka letsoai le leseli, Paulose o sebelisa papiso tse 'maloa ho bontša ketso ea kereke e lefatšeng. Hara tse ling, o hlalosa bao ba phelang e le batho ba Molimo e le sehlabelo (sheba Ba-Roma. 12:1), 'me oa Kreste (sheba 1 Ba-Kor.. 12:12–20), e le mangosa (sheba 2 Ba-Kor.. 5:18–20), le monkho o monate (sheba 2 Ba-Kor.. 2:14–16). Setšoantšo ka seng se bua ka tšebetso joalo ka ha e emela kapa e bolela mangosa 'muso oa Molimo le kajeno, le hara lefatše le sentsoeng haholo ke toantšano e kholo.

Sheba hape “litšoantšo” tsena tse hlalositsoeng ka holimo. Ke sefe se hlalolang hantle seo u ka ratang ho emela Molimo le litsela tsa hae motseng oa heno, 'me hobaneng?

Setšoantšo ka seng sa tsena sena le ketso e amanang le sona, e seng e le mokhoa oa ho amohela ho Molimo empa joalo ka batho ba seng ba amohetsoe ke Molimo ka sehlabelo sa Kreste, ea arabetseng lerato le mohau oa Molimo ka ho moemeli oa hae lefatšeng le lemetseng le timelang. Empa hape li ka shejoa ka mokhoa o tebileng: hobane lerato le mohau oa Molimo ke seo 'muso oa Molimo o leng ka sona, ha re etsa ka tsela eo, re bontša ba bang lerato le mohau, re tiisa le ho nka karolo 'musong oa ka ho sa feleng, le joale.

Molaong oa machaba, ntlo ea boemeli ea naha e 'ngoe e nkoa e le karolo ea sechaba seo e se emetseng, le ha e beiloe naheng ea Balichaba, mohlomong sebaka se se lelele ho tloha naheng ea lehae. Ka tsela e tšoanang, ho tiisa litsela tsa 'muso oa Molimo ho fana ka tlhase ea ntlha eo mona le hona joale, 'me ka hona, e supa le ho fana ka tatso ea ho hloloa ha ho qetela ha bobae. 'Me ka ho etsa joalo—re le mangosa a Kreste, re le baemeli ba Kreste—re ka ba le maiphihlelo a bonnete ba lerato le toka ea hae maphelong a rōna, kerekeng le maphelong a bao re batlang ho ba sebeletsa.

Bala 2 Ba-Korinthe 2:16. Phapano ke efe lipakeng tsa menkho e 'meli ee, 'me ke joang re ka tsebang hore na re monkho ofe?

Mohlanka oa Mosala

Tlhaloso ea batho bao e leng Masala ba boleloang boporofeteng ba Bibe le fumanoa ho Tšenolo 12:17: “e leng ba bolokileng litaelo tsa Molimo, ba nang le bopaki ba Jesu Kreste” (sheba hape Tšen.14:12). Paleng ea Bibe le, limelo tsena li supa batho ba Molimo nakong tsa ho qetela tsa nalane ea lefatše. Empa, hape lipaleng tsa Bibe le, re ka fumana mehlala ea liketso tsa masala ao, ’me haholo hore batho bao ba sebeleliteng ba bang joang.

Mohlala oa Moshe ntlheng ena oa tšosa. Bala Exoda 32:1–14. Papiso ke efe lipakeng tsa Moshe paleng ee le masala a hlalositsoeng ho Tšenolo 12:17?

Khalefong ea hae ho batho ba Iseraele, Molimo o ile a tšosa ka ho ba timetsa le ho fetisetsa tšepiso e fanoeng ho Abrahamana—hore litloholo tsa hae e tla sechaba se sehlo haholo—ho Moshe le lelapa la hae (sheba Exod. 32:10). Empa Moshe o ne a sa batle seo. Ho e-na le hoo, Moshe o na le sebete sa phehisa Molimo, a bolela a re, hore Morena a etse ka moo a tšosang kateng o tla etsa hore a shebahale hampe (sheba Exod. 32:11–13). Empa Moshe o tsoela pele le ho iketsa sehlabelo ho tiisa taba ea hae le Molimo. Moshe e sa le a khathatseha ke ho etella sechaba pele hara lefella. E sa le ba belaela le ho koma-koma e sale ho tlaha sethathong sa ketello pele ho ea tokolohong. ’Me leha ho le joalo, Moshe o re ho Molimo, ha e-ba u sa ba tšoarele, “hlakola hle lebitso la ka bukeng ea hao eo u e ngolileng” (Exod. 32:32). Moshe o nehelana ka bosafeleng ho pholosa bao a arolelaneng leeto le bona. Ke mohlala o matla ha kakang oa ho iketsa sehlabelo leho buella bao ba sa lokeloeng ke hona! ’Me ke pontšo e matla ha kakang ea morero ohle oa topollo!

“Joalo ka ha Moshe a ile a buella Iseraele, tšabo ea hae e ile ea lahleha cheschong ea hae e tebileng le lerato bakeng sa bao a neng a na le bona, matsohong a Molimo, e bile mokhoa ho etsa se sehlo. Morena a mamela kopo ea hae, le ho arabela thapelo ea hae e se nang boikhabo. Molimo o ne a lekile mohlanka oa hae; o ne a lekile botšepahi ba hae le lerato la hae bakeng sa sechaba se liphoso seo, se se nang teboho, le ho etsa hore motho ea lokileng joalo ka Moshe a fete tekong e kaalo. Thahasello ea hae ho Iseraele e ne e tsoa morerong o se nang boikbantšo. Katleho ea sechaba se khethiloeng sa Molimo e ne e le pelong ea hae ho feta tlotla ea hae e le motho, e le bohlokoa ho feta monyetla oa ho ba ntat’a sechaba se sehlo. Molimo o ile a thabisoa ke botšepahi ba hae, le pelo ea hae e nolo, le ho hloka maano ha hae, ’me a beha holim’a hae, bolisa bo tšepahalang, boikarabello ba ho etella pele Iseraele ho isa lefatšeng la pallo.”—Ellen G. White, *Patriarchs and Prophets*, p. 319.

Sena se bolella eng ka moo, ho ka khonehang kateng, re lokelang ho sebetsana le ba etsang liphoso ba re potileng?

Ho Fihlela Meea

Lipuisano tsa kereke ka linako tse ling li bonahala li khitla lejoje tlhokehong ea joale ea ho khetha lipakeng tsa boselebetsi ba sechaba le bosebeletsi ba Evangeli, e kaba ho fana ha liphallelo kapa ho paka, e ka ba toka kapa bo-Evangeli. Empa ha re utloisisa hantle e le 'ngoe ea lintlha tsena le ho sheba hantle bosebeletsi ba Jesu hantle, phapano ea hlaha, 'me re hlokomela hore ho ruta Evangeli le ho sebeletsa ho thusa ba bang li hokahane haholo. Ho se seng sa lipolelo tse tsebahalang haholo tsa Ellen White, o e hlalositse tjena: “Ke mokhoa oa Krete fela o ka tlisang katleho ea 'nete ho fihleleng batho. Mopholosi o ile a kopana le batho ho batla se leng molemo ho bona. A bontša kutloelo bahloko ea hae bakeng sa bona, a fihlela bohloki ba bona, le ho hapa tšepo ea bona. A ntoo re ho bona, 'Ntateleng.' . . . “Bafutsana ba lokela ho imolloa, bakulang ba hlokomeloe, ba llang le baimetsoeng ba tšelisoe, ba se nang tsebo ba lauoe, ba se nang maiphihlelo ba eletsoe. Re lokela ho lla le ba llang, le ho thaba le ba thabileng.”—Ellen G. White, *The Ministry of Healing*, p. 143. Joalo ka ha re bone, khato tsena tse peli tsa 'muso—toka le Evangeli—e ne e hokahane haholo, e seng bosebeletsing ba Jesu empa le thomong ea pele ea Jesu ho ba barutuo ba hae: “Ha le ntse le tsamaea, le bolele, le re: 'Muso oa maholimo o atametse. Folisang ba kulang, le tsose bafu, le ntlafatse ba-lepera, le lahlele batemona ntle, le neiloe fela, neang feela” (Matt. 10:7, 8). Ka bokhutšoanyane, o mong oa litsela tse ntle tsa ho fihlela ba bang ka molaetsa oa rōna ke ho sebeletsa bohloki ba bona.

Bala 1 Petrose 2:12 le Ba-Filipi 2:15. Petrose le Paulose ba reng ka matla a ho paka ha mesebetsi e molemo e etsoang ke batho ba Molimo?

Ka kutloisiso e pharaletseng ea litaba tse molemo tsa Molimo, Evangeli ha e etse kelello bosieong ba cheseho bakeng sa batho. Litimana tse kang 1 John 3:16–18 le Jakobo 2:16 li tiisa khanyatsano ea ho ruta Evangeli ntle le ho e phela. Ha e phethahetse, Evangeli—e tlisang litaba tse molemo tsa tšepo, pholoso, le pako, le phetoho, le lerato le akaretsang la Molimo—ke ponahatso ea toka. Bobeli Evangeli le takatso ea toka li tsoa ho eleng hloko lerato la Molimo bakeng sa ba lahlehileng, ba robهيلeng lipelo, le lemetseng—lerato leo hape le holang lipelong tsa rōna tlasa tšusumetso ea Molimo maphelong a rōna. Ha re khethe ketso e 'ngoe holima e 'ngoe; ho e na le hoo, re sebeletsa le Molimo ho sebetseng le batho, ho fihlela bohloki ba bona ba sebele, le ho sebelisa sohle seo Molimo a re fileng sona.

Ke joang re ka etsang bonnete ba hore, leha ho le joalo, ha re ntse re etsa mesebetsi e molemo, ha re lese ho ruta litaba tse molemo tsa pholo, hape?

Mohau ka hare ho Kereke

Qalong ea buka ea Jobo, Molimo o supa Jobo le botšepahi ba hae e le sesupo sa molemo oa litsela tsa Molimo le mokhoa oo a sebetsang ka oona le batho ba oelang (sheba Jobo 1:8). Ho ea makatsa hore Molimo o lumella seriti sa hae ho itšetleha ka hore na batho ba phela joang lefatšeng lena. Empa Paulose o atolosa tumelo ena eo Molimo a nang le eona ho ba bang ba “bahalaleli” ba hae ho kenyeletsa le sehlopha seo e leng kereke: “hore joale bohlae ba Molimo, bo leng bongata mekhoeng ea jona, bo bonahale ka Kereke, ho boholo le ho mebuso maholimong” (Ba-Efe. 3:10).

Bala Ba-Efese 2:19. U nahana hore ke eng e keneletseng khopolong ea ho hlalosa sehlopha sa batho ba kereke e le “lelapa” la Molimo? Ke joang tlhaloso ee e susumetsang ka moo kereke e hlophiselitsoeng ho sebetsa?

Sechabeng sefe kapa sefe kapa hlophiseho, tsela eo setsi seo se tšoarang litho tsa sona e bontša boleng ba motheo ba sehlopha seo. E le lelapa la Molimo, le 'mele oa Krete le sechaba sa Moea, kereke e na le pitso e phahameng ho phela le fihlela: “Hobane Molimo ha se Molimo oa mofere-fere, empa e le oa khotso, joalo ka ha ho bonoa likerekeng tsohle tsa bahalaleli” (1 Ba-Kor. 14:33). Boleng ba toka, le mohau, le lerato—joalo ka ha li bontšitsoe tokeng, mohaung, le leratong la Molimo—li lokela ho busa tsohle tse etsahalang ka hara kereke. Ho tsoa kerekeng ea lehae motseng, ho isa thlophisong ea kereke lefatše ka bophara, meoloane ena e lokela ho tataisa baetapele ba kereke hore ba etelle pele joang, ho etseng liqeto, le ho hlokomela ba “ba fokolang” hara sehlopha sa kereke. E lokela ho re tataisa hape hore na ke joang re lokelang ho rarolla liqabang tse hlahang nako le nako mahareng a litho. Ha e ba re ke ke ra tšoaara ba mahareng a rōna ka ho se ee ka tšobotsi le tlhompho, ke joang re ka etsang seo ho ba bang?

Moo thlophiso ea kereke e hirang basebetsi, e lokela ho hoba mohiri ea fanang, ea behang boleng ba batho ba pele ho eng kapa eng le ho sebetsa khahlanong le tšoaaro e mpe ea litho. Likereke li lokela ho ba libaka tse sireletsehileng, ka litho tsohle tsa kereke ho etsa seo ba ka se khonang ho sireletsa ba tlokotsing. 'Me, joalo ka ha re bona kerekeng ea pele, litho tsa kereke li lokela ho ba malala-a-laotsoe haholo ho fana ka tšebetso ho bao ba “lelapa” la kereke ba mahlomoleng kapa ba bohloking.

Jesu o fane ka sena esele taelo, a bolela hore sena ha se ho fela se tla fetola sehlopha sa tumelo, hape e tla bontša bonnete ba tumelo ea bona ho talimileng: “Ke le nea molao o mocha, ke hore le ratane; joalo ka ha ke le ratile, ratanang joalo le lōna. Seo bohle ba tla tseba hobane le barutuoa ba ka ka sona, ke ha le ratana” (John 13:34, 35).

Khothatsang ka Mesebetsi e Molemo

Le ka tšusumetso le merero e fetisang ka molemo, le ho lumeleng hore re ka lehlakoreng la Molimo le molemo, ho sebeletsa Morena ho ka ba thata le ho nyahamisa. Ho se thabele bohloko ba lefatše lintho tsa teng. Lena ke le leng la mabaka ao re hlokang lelapa le kereke. Jesu o ile a bontša mohlala oa mofuta ona oa sehlopha sa tšehetso ka barutuo ba hae. Ha se hangata a romang batho ka bo bona, 'me leha seo se etsahala hang ba ea khutla ho arolelana lipale tsa bona le ho nchafatsa matla le khothalo ea bona.

Bala Ba-Heberu 10:23–25. Ba-Heberu 10:25 ke temana e tsejoang haholo ea litemana tsena, ka hook e eng eo litemana tse peli tse tlang pele li e kenyang kutloisisong ea rōna ea temana ee e tsejoang? Ke litsela life tse ling tseo re ka khthatsang “leratong le ho etseng mesebetsi e molemo”?

Mosebetsing o mong le o mong, tšebetso kapa porojeke, sehlopha sa batho se sebetsang 'moho ba ka fihlela ho hoholo ho feta batho ba sebetsang ka bo mong. Sena se re hopotsa hape setšoantšo sa kereke e le 'mele oa Krete (sheba Ba-Roma. 12:3–6), moo bohle re nang le tšebetso tse fapaneng empa tse sebeletsanang. Ha e mong le e mong oa rōna a etsa hantle seo a se etsang, empa a etsa ka tsela e lumellang tšusumetso ea rōna ho sebetsa 'moho, re ka tšepa ka tumelo hore maphelo a rōna le mosebetsi li tla etsa phapano ka ho sa feleng.

Leha litholoana li lieha, bohlokoa ke ha re batla ho etsa se lokileng—litholoana ke ka batho le maphelo a bona—ka linako tse ling re lokela ho tšepa Molimo ka seo litholoana li tla ba sona. Ka linako tse ling ha re sebeletsa ho fokotsa bofuma, ho sireletsa ba tlokotsing, ho lokolla ba hateletsoeng, le ho buella ba se nang lentsoe, re ke ke ra bona katleho. Empa re na le tšepo ea hore re sebetsa ka tsela e kholo le e matla ea tlhoho: “Re se ke ra khathala ke ho etsa hantle, hobane re tla kotula nakong ea teng, ha re sa tepelle. Ka baka leo, ha re sa na le sebaka, a re etseng bohle hantle, empa haholo ba ntlo ea tumelo” (Ba-Gal. 6:9, 10, sheba hape Ba-Heb. 13:16). Lena ke lebaka leo re biletsoang ho khothatsa—hantle, ho susumetsa ka khothalo e mong ho e mong. Ho ka bophehi ke monyaka le ho ba thata. Molimo oa rōna oa toka le sechaba sa rōna sa toka ke litšehetso tse kholo tsa rōna le seo re memelang ba bang ho ikopanya le eona.

Ke mang eo u mo tsebang kapa eo u tsebang khafetsa a sebeletsa ho fokotsa bohloko ba bang? Ke joang o ka khothatsang motho eo kapa sehlopha seo mosebetsing o molemo oo ba o etsang?

Ho Ithuta Haholoanyane:

Bala Ellen G. White, "A Faithful Witness," pp. 546–556, in *The Lik. of the Apostles*; "Kindness the Key to Hearts," pp. 81–86, in *Welfare Ministry*. "Mosebetsi oo barutuo ba o entseng, re lokela ho o etsa le rōna. Mokreste ka mong o lokela ho ba moromuoa. Ka kutloelo bohloko re lokela ho sebeletsa ba hlokang thuso, re batla ka cheseho eohle ho fokotsa tlokotsi ea bohloko ba botho. . . . "Re lokela ho fepa ba lapileng, ho apesa ba hlobotseng, le ho tšelisa ba mahlomoleng le hlokofoang. Re lokela ho sebeletsa ho ba tlokotsing, le ho tlisa tšepo ho ba se nang tšepo. "Lerato la Krete, le bonahalang besebeletsing bo se nang boikhabo, le tla ba le matla a fetisang ho fetoleng motho ea etsang bobele ho feta ho ba lerumo kapa lekhotla la toka. . . . hangata pelo e thatafalang tlala khalemelo e tla qhibiliha tlasa lerato la Krete."—Ellen G. White, *The Ministry of Healing*, pages 104, 106. "Bokhoba, likarohano, ho ea ka tšobotsi ea merabe, khatello ea bafutsana, ho se natsoe ha ba fokolang,—bana bohle ba nkoe e se Bakreste le ho nkoe e le lihlong sechabeng se phetseng hantle sa moloko oa botho, le limpe tseo kereke ea Krete e khethetsoeng ke Morena ho a tlosa."—General Conference president A. G. Daniells, speaking of the work of Ellen G. White at her funeral, *Life Sketches of Ellen G. White*, p. 473.

Lipotso tsa Puisano:

1. Hona le batho ba bangata, lihlopha, le litsi tse batlang ho fokotsa ho hloka lefatšeng. Ke lintlha life tse matla, le leseli, le lisebelisoa tseo kereke ea Seventh-day Adventist e ka li tlišang tšebetsong ee?
2. Na ho ka ba le ea hopolang nako eo a ileng a utloa a khotetse le ho tšehetsoa ke kereke ea heno? Ho ithuta ka maiphehlelo ao, ke joang u ka pharalatsang khotatso e tšoanang ho bang?
3. 'Moho le tšehetso ea kereke, ke lintho life tse ling tse ka u thusang ho qoba ho "khathala ke ho etsa hantle"?
4. Ke liporojeke life tsa toka le ho fokotsa bofuma tseo u li tšebang tseo kereke ea Seventh-day Adventist lefatše ka bophara ha joale e li tšehetsang? Ke joang u ka khonang ho tšehetsa karolong ee ea mosebetsi oa kereke?

Kakaretso:

E, re Bakreste, re bilelitsoe ho sebeletsa bohloki ba ba bang, haholo-holo ba utlosoang bohloko, ba mohlomoleng, le ba hateletsoeng. Leha re na le boikarabello ba motho ka bo mong karolong ena, re le sehlopha se shebaneng le ho sebeletsa ba bang, re ka ba matla haholo ha re sebetsa 'moho re le lelapa la kereke.